

Bosna i Hercegovina
Federacija Bosne i Hercegovine
Zeničko-dobojski kanton
OPĆINA VAREŠ
OPĆINSKO VIJEĆE



Broj: 01-15/18
Vareš, 31.01.2018. godine

Z A P I S N I K
sa 13. sjednice Općinskog vijeća Vareš,
održane 28.12. 2017. godine

Kenan Kamenjaš – predsjedavajući Općinskog vijeća Vareš, otvorio je 13. sjednicu s početkom u 15,00 sati, u velikoj sali Općine Vareš.

Izvršena je prozivka vijećnika.

Prisutni vijećnici: Ajanović Mirnes, Čizmo Adis, Džafo Dženan, Fatić Ilhana, Islamović Emir, Kamenjaš Alma, Kamenjaš Kenan, Kevrić Demo, Mirčić Mario, Muftić Safeta, Muftić Anel, Mušanović Nedžad, Riđić Kruno, Romić Branko, Rožajac Elvir, Šimić Igor, Šimić Nikola i Turki Fadila.

Odsutni: Mario Marošević.

Pored vijećnika sjednici prisustvuju: Općinski načelnik – gosp. Zdravko Marošević, sekretar Općinskog vijeća – gosp. Leon Pavlović, pomoćnici općinskog načelnika – gosp. Čedomir Jelić i gosp. Rusmir Berberović, ispred Službe za privredu, finansije i trezor gosp. Stela Andrić i gosp. Boro Anđić, predsjednici političkih partija i predstavnici medija.

Sekretar OV Leon Pavlović izvijestio je Vijeće o zaključcima i odgovorima na postavljena vijećnička pitanja sa 12. sjednice OV održane 30.11. 2017. godine. Na 12. sjednici OV je donijelo pet (5) zaključaka, četiri (4) zaključka su realizovana, jedan (1) zaključak je u toku realizacije. Postavljeno je osam (8) vijećničkih pitanja. Na sva pitanja dostavljeni su pismeni odgovori podnosiocima vijećničkih pitanja i usmeni odgovor na sjednici od strane Općinskog načelnika.

Općinski načelnik gosp. Zdravko Marošević u okviru aktuelne problematike na području općine Vareš za današnju sjednicu u svom obraćanju izvijestio je prisutne o realizaciji projekata koji su u toku. Sa potpisanim ugovorima ulazimo u 2018. godinu, od kojih će značajna sredstva biti uložena na infrastrukturnim obrazovnim ustanovama. Također je prisutne izvijestio o saniranju određenih dugova iz sredstava koja je općina dobila od Vlade FBiH za sanaciju budžeta. Na kraju se zahvalio na saradnji svim nivoima Vlasti u Federaciji i Kantonu, kao i svim preduzećima i ustanovama u općini Vareš.

adresa: Zvijezda 34, 71330 Vareš
identifikacijski broj: 4218285300002
depozitni račun Unicredit banka:
3380002210017420

tel.: 00387 32 848 100;
fax: 00387 32 848 150;
web: www.vares.info
e-mail: vares@bih.net.ba



(Vijećnička pitanja)

Elvir Rožajac

1. Šta je sa naknadama šteta za poplavljene kuće za MZ- u Dabravine i kada će doći do realizacije isplate šteta?
2. Da li se može prilikom zimskom održavanja puta u MZ Vareš Majdan uzeti u obzir i naselje Trifkovići ,koje je do sada zapostavljeno? U istom naselju nema ulične rasvjete, a mještani imaju problema i sa psima lualicama.

Kruno Ridić

3. Pitanje uputio Općinskom načelniku : Šta planirate kao političar i prvi čovjek grada, zajedno sa Vašim timom da inicirate i pokrenete kako bismo zaustavili odlazak mladih ljudi, obrazovanih stručnjaka iz Vareša? (o postavljenom pitanju dao je dodatno obrazloženje)
4. U MZ Duboštica je oštećen vodovod prilikom izvlačenja šume od strane radnika i mehanizacije Šumarije Vareš. Možete li nam pomoći i poslati inspekciju da utvrdi činjenično stanje i naloži onima koji su prouzrokovali štetu da istu poprave?

Branko Romić

5. Da li je u nadležnosti Općine da provjeri ispravnost voda na javnim česmama u MZ Vareš Majdan, a posebno da provjeri ispravnost vode na javnoj česmi na lokaciji ispod Prnjavora, voda kod groblja? (o postavljenom pitanju dao je dodatno obrazloženje)
6. Kada će se poboljšati održavanje magistralnog puta i kada će izvođač nabaviti kvalitetan posipni materijal, jer materijal kojim se sada održava navedeni put dovodi do oštećenja automobila, a samim tim i do nezadovoljstva građana? (o postavljenom pitanju dao je dodatno obrazloženje)

Dženan Džafo

7. Pitanje uputio Općinskom načelniku: Da li se može iznaći modus za postavljanja branika na lokaciji Zarakita u MZ Budoželje? (o postavljenom pitanju dao je dodatno obrazloženje)

Mirnes Ajanović

8. Općina Kakanj ima namjeru da pokrene i realizira neke projekte, pa i oko radova na obnovi i restauraciji kraljevskog grada Bobovca, kako oni kažu, „našeg grada Bobovca.“ Koliko je naša Općina upoznata sa ovim, da li je upućena i povezana sa Općinom Kakanj oko te priče, kakva je saradnja i koordinacija oko eventualnih projekata ili je možda sve navedeno jednostrano, tj.od strane Općine Kakanj? (o postavljenom pitanju dao je dodatno obrazloženje)

Demo Kevrić

Izjavio je da nije u cijelosti zadovoljan sa datim odgovorima na dva vijećnička pitanja postavljena na prošloj sjednici OV. O istom je dao pojašnjenje.

9. Može li se za jednu od narednih sjednica (februar ili mart) pripremiti informacija koja se odnosi na novouposlene radnike u privredi i van privrede na području općine Vareš u 2017.godini i da li je bilo otpuštanja radnika? (o postavljenom pitanju dao je dodatno obrazloženje).

10. Obzirom da smo imali mogućnost da izvršimo uplatu kanalizacionih cijevi za MZ Striježevo , kada će se završiti drugi dio posla i da li postoji mogućnost da se uradi u skorije vrijeme?

Nedžad Mušanović

11. Zašto dolazi do nestanka električne energije u naselju Ljepovići i da li se može nešto poduzeti po ovom pitanju? (o postavljenom pitanju dao dodatno obrazloženje)

Općinski načelnik dao je usmene odgovore na postavljena vijećnička pitanja.

Predsjedavajući OV stavio je na raspravu Zapisnik sa 12. sjednice OV.

Nije bilo primjedbi i predsjedavajući OV stavio je na izjašnjavanje Zapisnik sa 12. sjednice OV i nakon izjašnjavanja vijećnika konstatuje da je **jednoglasno sa (17 glasova „ZA“) usvojen Zapisnik sa 12. sjednice OV.** (odsutan vijećnik Mirnes Ajanović)

Predsjedavajući OV stavio je na raspravu prijedlog dnevnog reda za 13. sjednicu OV koji je usaglašen na Kolegiju Općinskog vijeća.

Nije bilo rasprave i predsjedavajući OV stavio je na izjašnjavanje prijedlog dnevnog reda za 13. sjednicu OV.

Nakon izjašnjavanja vijećnika predsjedavajući OV konstatuje da je **jednoglasno sa (17 glasova „ZA“) (odsutan vijećnik Mirnes Ajanović) usvojen sljedeći**

D n e v n i r e d:

1. Prijedlog Izmjena i dopuna proračuna/budžeta Općine Vareš za 2017. godinu.
 - Izvjestilac: Općinski načelnik.
 -
2. Prijedlog proračuna/budžeta Općine Vareš za 2018.godinu.
 - Izvjestilac: Općinski načelnik.
3. Prijedlog Odluke o izvršenju proračuna/budžeta Općine Vareš za 2018.godinu.
 - Izvjestilac: Općinski načelnik.

4. Prijedlog Odluke o privremenom finansiranju potreba Općine Vareš za period od 01. januara/siječnja do 31. marta/ožujka 2018.godinu.
- Izvjestilac: Općinski načelnik.
5. Prijedlog Odluke o potvrđivanju rezultata izbora za članove Savjeta mjesne zajednice Strica-Zarude.
- Izvjestilac: Čedomir Jelić.
6. Prijedlog Odluke o zaštitnim zonama i zaštitnim mjerama izvorišta „Očevlje“, Općina Vareš.
- Izvjestilac: Ermin Musa.
7. Prijedlog Odluke o izmjeni Odluke o utvrđivanju visine naknade članovima organa upravljanja javnih preduzeća čiji je osnivač Općina Vareš.
- Izvjestilac: Općinski načelnik.
8. Prijedlog Zaključka o davanju saglasnosti na Program rekonstrukcije, izgradnje i obnove lokalnih cesta za 2018. godinu broj: 02-1529/17 od 13.12.2017. godinu.
- Izvjestilac: Ermin Musa.
9. Prijedlog Zaključka o stavljanju van snage Zaključka o davanju saglasnosti za deponovanje kućnog smeća sa područja općina Breza na gradsku deponiju „Kota“, broj: 01-35/17 od 29.01.2013. godine i broj: 01-189/17 od 31.07.2014. godine.
- Izvjestilac: Ermin Musa.
10. Izvještaj o realizaciji Programa finansiranja komunalnih djelatnosti u 2017. godini.
- Izvjestilac: Ermin Musa.
11. Izvještaj o stanju poljoprivredne proizvodnje na području općine Vareš za 2017. godinu.
- Izvjestilac: Ermin Musa.
12. Prijedlog Programa rada Općinskog vijeća Vareš za 2018. godinu.
- Izvjestilac: Sekretar OV.
13. Informacija o stanju napajanja električnom energijom na području općine Vareš i mjerama na poboljšanju iste.
- Izvjestilac: Ermin Musa.
14. Tekuća pitanja.

Ad. 1.

(Prijedlog Izmjena i dopuna proračuna/budžeta Općine Vareš za 2017. godinu.)

Komisija za privredu, finansije i budžet na 7. sjednici održanoj 22.12.2017. godine jednoglasno je donijela sljedeći Zaključak:

- Komisija nema primjedbi na Prijedlog Izmjena i dopuna proračuna/budžeta Općine Vareš za 2017.godinu i isti upućuje Vijeću na razmatranje.

Otvorena je rasprava u kojoj su svoje stavove, mišljenja, sugestije iznijeli vijećnici: Kruno Riđić, Emir Islamović, Safeta Muftić, Branko Romić, Mario Mirčić, Demo Kevrić i Općinski načelnik Zdravko Marošević koji je u svom obraćanju dao neka dodatna pojašnjenja i naglasio da Općina Vareš u svom radu, akcentat mora imati na izradi i realizaciji projekata.

Zaključena je rasprava i predsjedavajući OV stavio je na izjašnjavanje Prijedlog izmjena i dopuna proračuna/budžeta Općine Vareš za 2017. godinu.

Nakon izjašnjavanja vijećnika predsjedavajući OV konstatuje da su **sa 16 glasova „ZA“ i 2 „SUZDRŽANA“ glasa usvojene**

Izmjene i dopune proračuna/budžeta Općine Vareš za 2017. godinu.

Ad. 2.

(Prijedlog proračuna/budžeta Općine Vareš za 2018. godinu.)

Komisija za privredu, finansije i budžet na 7. sjednici održanoj 22.12.2017. godine jednoglasno je donijela je sljedeći Zaključak:

- Komisija nema primjedbi na Prijedlog proračuna/budžeta Općine Vareš za 2018. godinu i isti upućuje Vijeću na razmatranje.

Ovlašteni predlagatelj Općinski načelnik Zdravko Marošević dao je dodatno pojašnjenje za ovu tačku dnevnog reda i u svom izlaganju izjavio da smatra da je budžet Općine Vareš u iznosu od 4 miliona stabilan i da može zadovoljiti realnim potrebama općine Vareš.

Otvorena je rasprava u kojoj su svoje stavove, sugestije, prijedloge, primjedbe i mišljenja iznijeli vijećnici: Elvir Rožajac, Kruno Riđić, Safeta Muftić (*predložila je dva amandmana: 1. sa konta 611 227 „pomoć u slučaju smrti ili teže invalidnosti“ koji je planiran za 2018. godinu u iznosu od 26.000 KM prebaciti iznos od 13.000 KM na konto 613 714 „materijal za opravku i održavanje cesta - gradskih cesta i 2. sa konta 613 991 „ostale usluge“ koji je planiran u iznosu od 20.000 KM prebaciti iznos od 10.000 KM na konto 613 991 „kapitalni projekti na području grada“*), Emir Islamović, Branko Romić, Emir Islamović (replika), Branko Romić (replika), Mirnes Ajanović, Demo Kevrić (*predložio je amandman – povećanje dijela troškova na rekonstrukciju lokalnih puteva po mjesnim zajednicama sa planiranih 100.000 KM na iznos od 150.000 KM koji bi se izdvojio iz dijela sredstava „planske rezerve“ i iz dijela „održavanje cesta i mostova“*), Mario Mirčić, pomoćnik načelnika Rusmir Berberović (dao pojašnjenje u vezi određenih planiranih projekata) i Općinski načelnik Zdravko Marošević koji je odgovorio na neka pitanja i iznesene diskusije vijećnika u raspravi i izjavio da će nadležna Služba neke iznesene prijedloge vijećnika uvrstiti u konačan Budžet Općine Vareš za 2018. godinu. O istom je dao pojašnjenje.

Zaključena je rasprava i predsjedavajući OV stavio je na izjašnjanje Prijedlog budžeta/proračuna Općine Vareš za 2018. godinu.

Nakon izjašnjanja vijećnika predsjedavajući OV konstatuje da je sa **16 glasova „ZA“ i 2 glasa „PROTIV“ usvojen**

Proračun/budžet Općine Vareš za 2018. godinu.

Ad.3.

(Prijedlog Odluke o izvršenju proračuna/budžeta Općine Vareš za 2018. godinu.)

Komisija za statutarna pitanja i propise na 8. sjednici održanoj 22.12.2017. godine jednoglasno je donijela sljedeći Zaključak:

- Komisija nema primjedbi na Prijedlog Odluke o izvršenju proračuna/budžeta Općine Vareš za 2018. godinu, te je upućuje Vijeću na razmatranje.

Otvorena je rasprava u kojoj su učestvovali vijećnici: Elvir Rožajac i Safeta Muftić.

Zaključena je rasprava i predsjedavajući OV stavio je na izjašnjanje Prijedlog Odluke o izvršenju proračuna/budžeta Općine Vareš za 2018. godinu.

Nakon izjašnjanja vijećnika predsjedavajući OV konstatuje da je sa **16 glasova „ZA“ i 2 glasa „PROTIV“ usvojena**

Odluka o izvršenju proračuna/budžeta Općine Vareš za 2018. godinu.

Ad.4.

(Prijedlog Odluke o privremenom finansiranju potreba Općine Vareš za period od 01. januara/siječnja do 31. marta/ožujka 2018. godine.)

Općinski načelnik Zdravko Marošević povukao je ovu tačku sa dnevnog reda jer je Općinsko vijeće usvojilo Budžet/proračun Općine Vareš za 2018. godinu.

Ad.5.

(Prijedlog Odluke o potvrđivanju rezultata izbora za članove Savjeta mjesne zajednice Strica-Zaruđe.)

Komisija za statutarna pitanja i propise na 8. sjednici održanoj 22.12.2017. godine jednoglasno je donijela sljedeći Zaključak:

- Komisija nema primjedbi na Prijedlog Odluke o potvrđivanju rezultata izbora za članove Savjeta mjesne zajednice Strica-Zaruđe, te je upućuje Vijeću na razmatranje.

Nije bilo rasprave po ovoj tački dnevnog reda i predsjedavajući OV stavio je na izjašnjavanje Prijedlog Odluke o potvrđivanju rezultata izbora za članove Savjeta mjesne zajednice Strica-Zaruđe.

Nakon izjašnjavanja vijećnika predsjedavajući OV konstatuje da je **jednoglasno (sa 17 glasova „ZA“)** (odsutan Kruno Riđić) **usvojena**

*Odluka o potvrđivanju rezultata izbora
za članove Savjeta mjesne zajednice Strica-Zaruđe.*

Ad.6.

*(Prijedlog Odluke o zaštitnim zonama i zaštitnim
mjerama izvorišta „Očevlje“, općina Vareš.)*

Predlagač nije imao dodatno pojašnjenje za ovu tačku dnevnog reda.

Otvorena je rasprava u kojoj su učestvovali vijećnici: Kruno Riđić, Mario Mirčić i Emir Islamović.

Zaključena je rasprava i predsjedavajući OV stavio je na izjašnjavanje Prijedlog Odluke o zaštitnim zonama i zaštitnim mjerama izvorišta „Očevlje“, općina Vareš.

Nakon izjašnjavanja vijećnika predsjedavajući OV konstatuje da je **jednoglasno (sa 18 glasova „ZA“) glasom usvojena**

Odluka o zaštitnim zonama i zaštitnim mjerama izvorišta „Očevlje, općina Vareš.

Ad.7.

*(Prijedlog Odluke o izmjeni Odluke o utvrđivanju visine naknade članovima organa
upravljanja javnih preduzeća čiji je osnivač Općina Vareš.)*

Komisija za statutarna pitanja i propise na 8. sjednici održanoj 22.12. 2017. godine jednoglasno je donijela sljedeći Zaključak:

- Komisija nema primjedbi na Prijedlog Odluke o utvrđivanju visine naknade članovima organa upravljanja javnih preduzeća čiji je osnivač Općina Vareš, s tim da se u preambuli iza navedenog broja Sl. novine broj: 49/06 doda i broj 51/09, te je upućuje Vijeću na razmatranje.

Predlagač nije imao dodatno pojašnjenje po ovoj tački dnevnog reda.

Otvorena je rasprava u kojoj su svoja mišljenja i stavove iznijeli vijećnici: Mirnes Ajanović, Elvir Rožajac, Mario Mirčić i Općinski načelnik Zdravko Marošević koji je dao pojašnjenje za ovu tačku dnevnog reda i iznio svoje pozitivno mišljenje u vezi poslovanja JKP d.o.o. Vareš, Elvir Rožajac (replika).

Zaključena je rasprava i predsjedavajući OV stavio je na izjašnjavanje Prijedlog Odluke o utvrđivanju visine naknade članovima organa upravljanja javnih preduzeća čiji je osnivač Općina Vareš uz zaključak Komisije za statutarna pitanja i propise.

Nakon izjašnjavanja vijećnika predsjedavajući OV konstatuje da je sa **11 glasova „ZA“, 5 glasova „PROTIV“ i 2 „SUZDRŽANA“ glasa usvojena**

Odluka o izmjeni Odluke o utvrđivanju visine naknade članovima organa upravljanja javnih preduzeća čiji je osnivač Općina Vareš.

Predsjedavajući OV dao je pauzu u trajanju od 30 minuta.

Nakon pauze nastavljeno je sa radom današnje sjednice.

Ad.8.

(Prijedlog Zaključka o davanju saglasnosti na Program rekonstrukcije, izgradnje i obnove lokalnih cesta za 2018. godinu broj. 02-1529/17 od 13.12.2017. godine.)

Otvorena je rasprava u kojoj su svoje prijedloge, mišljenja, pitanja i sugestije iznijeli vijećnici: Alma Kamenjaš (skrenula pažnju na sanaciju puta Dabravine-Luke), Safeta Muftić (sugerisala na sanaciji i uređenju gradskih ulica), Kruno Riđić (postavio pitanje Načelniku u vezi sanacije puta Pogar-Duboštica), Elvir Rožajac (skrenuo pažnju na stanje puta u naselju Čamovine), Đemo Kevrić (sugerisao da se na pojedinim putevima stavi oznaka kolika je njihova nosivost/tonaža) i Branko Romić (postavio pitanje u vezi puta Pogar –Dubošica i iznio mišljenje u vezi započetih radova na sanaciji puta Striježevo –Kokošičići).

Općinski načelnik Zdravko Marošević je dao dodatna pojašnjenja i odgovorio na postavljena pitanja vijećnika u raspravi. Upoznao je Vijeće sa planiranim aktivnostima na sanaciji puteva.

Zaključena je rasprava i predsjedavajući OV stavio je na izjašnjavanje Prijedlog Zaključka o davanju saglasnosti na Program rekonstrukcije, izgradnje i obnove lokalnih cesta za 2018. godinu broj. 02-1529/17 od 13.12.2017. godine.

Nakon izjašnjavanja vijećnika predsjedavajući OV konstatuje da je **jednoglasno sa (18 glasova „ZA“) usvojen**

Zaključak o davanju saglasnosti na Program rekonstrukcije, izgradnje i obnove lokalnih cesta za 2018. godinu broj. 02-1529/17 od 13.12.2017. godine.

Ad.9.

(Prijedlog Zaključka o stavljanju van snage Zaključka o davanju saglasnosti za deponovanje kućnog smeća sa područja općina Breza na gradsku deponiju „Kota“, broj: 01-35/17 od 29.01.2013. godine i broj: 01-189/17 od 31.07.2014. godine.)

Općinski načelnik Zdravko Marošević dao je dodatno pojašnjenje za ovu tačku dnevnog reda.

Otvorena je rasprava u kojoj je učestvovao vijećnik Mirnes Ajanović kao podnositelj Inicijative za stavljanje van snage navedenih Zaključaka. Pozvao je vijećnike da svojim izjašnjavanjem stave van snage Zaključke o davanju saglasnosti za deponovanje kućnog smeća sa područja općina Breza na gradsku deponiju „Kota“, broj: 01-35/17 od 29.01.2013. godine i broj: 01-189/17 od 31.07.2014. godine.

Zaključena je rasprava i predsjedavajući OV stavio je na izjašnjavanje Prijedlog Zaključka o stavljanju van snage Zaključka o davanju saglasnosti za deponovanje kućnog

smeća sa područja općina Breza na gradsku deponiju „Kota“, broj: 01-35/17 od 29.01.2013. godine i broj: 01-189/17 od 31.07.2014. godine.

Nakon izjašnjavanja vijećnika predsjedavajući konstatuje da je **jednoglasno sa (18 glasova „ZA“) usvojen**

Zaključak o stavljanju van snage Zaključka o davanju saglasnosti za deponovanje kućnog smeća sa područja općina Breza na gradsku deponiju „Kota“, broj: 01-35/17 od 29.01.2013. godine i broj: 01-189/17 od 31.07.2014. godine.

Ad.10.

(Izveštaj o realizaciji Programa finansiranja komunalnih djelatnosti za 2017. godinu.)

Otvorena je rasprava u kojoj je učestvovao vijećnik Kruno Ridić i iznio pozitivno mišljenje u vezi održavanja javne rasvjete i sugerisao da se na parkingu iznad PS Vareš postavi rasvjeta. O istom je dao pojašnjenje.

Općinski načelnik Zdravko Marošević u svom izlaganju dao je dodatna pojašnjenja za ovu tačku dnevnog reda i odgovorio na pitanja i diskusije vijećnika Ridić Krune.

Zaključena je rasprava i predsjedavajući OV stavio je na izjašnjavanje Izveštaj o realizaciji Programa finansiranja komunalnih djelatnosti za 2017. godinu.

Nakon izjašnjavanja vijećnika predsjedavajući OV konstatuje da je **jednoglasno sa (18 glasova „ZA“) usvojen**

Izveštaj o realizaciji Programa finansiranja komunalnih djelatnosti za 2017. godinu.

Ad.11.

(Izveštaj o stanju poljoprivredne proizvodnje na području općine Vareš za 2017. godinu.)

Otvorena je rasprava u kojoj su svoje stavove, sugestije i mišljenja iznijeli vijećnici: Dženan Džafo, Elvir Rožajac, Kruno Ridić i Općinski načelnik Zdravko Marošević koji je dao dodatno pojašnjenje za ovu tačku dnevnog reda i diskusije iznesene u raspravi.

Zaključena je rasprava i predsjedavajući OV stavio je na izjašnjavanje Izveštaj o stanju poljoprivredne proizvodnje na području općine Vareš za 2017. godinu.

Nakon izjašnjavanja vijećnika predsjedavajući OV konstatuje da je **jednoglasno (sa 17 glasova „ZA“) (odsutan vijećnik Kruno Ridić) usvojen**

Izveštaj o stanju poljoprivredne proizvodnje na području općine Vareš za 2017. godinu

Ad.12.

(Prijedlog Programa rada Općinskog vijeća Vareš za 2018. godinu.)

Sekretar OV Leon Pavlović u svom obraćanju dao je dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajući OV stavio je na izjašnjavanje Prijedlog Programa rada Općinskog vijeća za 2018. godinu.

Nakon izjašnjavanja vijećnika predsjedavajući OV konstatuje da je **jednoglasno sa (18 glasova „ZA“) usvojen**

Program rada Općinskog vijeća Vareš za 2018. godinu.

Ad.13.

(Informacija o stanju napajanja električnom energijom na području općine Vareš i mjerama na poboljšanju iste.)

Otvorena je rasprava u kojoj su svoja mišljenja, prijedloge, primjedbe i pitanja iznijeli vijećnici: Kruno Riđić (koji je postavio pitanje u vezi rekonstrukcije NNM u Dubošćici), Mario Mirčić (koji je iznio problem učestalog nestanka napajanja el. energijom u MZ Daštansko i Pržići i predložio da Vijeće donese zaključak da se uputi dopis direkciji Elektro distribucije Zenica da nalože PJ Elektro distribucija Vareš da se bolje angažuju na održavanju postojećih linija), Elvir Rožajac i Općinski načelnik Zdravko Marošević koji je u svom obraćanju iznio mišljenje u vezi problema napajanja električnom energijom i radom odgovornih na otklanjanju tih problema. U vezi s tim predložio je da se uputi dopis nadležnim Elektro distribucijama u kome bi se navelo nezadovoljstvo napajanja električnom energijom mjesnih zajednica u zimskom periodu.

Predsjedavajući OV na osnovu diskusije u raspravi i iznesenih prijedloga predložio i stavio na izjašnjavanje sljedeći:

Zaključak:

- **Da se uputi pismo kritike nadležnim Elektro distribucijama u vezi napajanja električnom energijom u zimskom periodu na području općine Vareš, a u saradnji sa predsjednicima mjesnih zajednica da se evidentiraju sve pričinjene štete koje su nastale kao posljedica nestanka električne energije ili neadekvatnim naponom iste.**

Nakon izjašnjavanja vijećnika predsjedavajući OV konstatuje da je **jednoglasno sa (18 glasova „ZA“) usvojen predloženi Zaključak i da je primljena k znanju**

Informacija o stanju napajanja električnom energijom na području općine Vareš i mjerama na poboljšanju iste.

Ad.14

(Tekuća pitanja)

1. Predsjedavajući OV podsjetio je Vijeće na Zaključak sa 12. sjednice OV koji se odnosi na podnošenje Inicijative koja bi se odnosila na odredbe u Zakonu o

osnovnom odgoju i obrazovanju i Zakonu o srednjem odgoju i obrazovanju ZDK a koje se odnose na način upošljavanja kadra u obrazovnim ustanovama. Prijedlog teksta Inicijative koji je dostavljen od vijećnika Branka Romić, prosljeđen je Općinskom načelniku.

Općinski načelnik javio se za riječ i u svom obraćanju zatražio od Vijeća da se Vijeće izjasni o Prijedlogu Inicijative. Iznio svoje mišljenje u vezi Prijedloga Inicijative u kome je naglasio da smatra da je Prijedlog Inicijative kontradiktoran i o istom je dao pojašnjenje.

Vijećnik Branko Romić u svom obraćanju izjavio je da se slaže sa mišljenjem Načelnika i izjavio je da povlači Prijedlog Inicijative o čemu je dao i pojašnjenje.

2. Vijećnik Kruno Ridić upoznao je prisutne sa molbama, za pomoć od strane Općinskog načelnika, dva građana općine Vareš koji se nalaze u teškoj finansijskoj situaciji i zatražio da Načelnik u skladu sa svojim mogućnostima udovolji njihovim molbama.

Predsjedavajući OV zamolio je vijećnike da ovakve ili slične probleme ne prezentuju se na sjednicama Vijeća, nego da se direktno rješavaju preko predsjednika mjesnih zajednica sa Načelnikom. O istom je dao pojašnjenje.

Općinski načelnik Zdravko Marošević čestitao je građanima pravoslavne vjeroispovijedi nadolazeći blagdan Božić. Svim građanima Općine Vareš čestitao je Novu godinu i pozvao sve na proslavu dočeka koji će se održati na dječijem igralištu.

Predsjedavajući OV u svoje lično ime i u ime Općinskog vijeća čestitao je svim građanima Novu godinu a građanima pravoslavne vjeroispovijedi nadolazeći blagdan Božić.

Sastavni dio ovog Zapisnika je audio zapis sjednice.

Sjednica je završena u 19,40 sati.

SEKRETAR

Leon Pavlović

***PREDSJEDAVALJUĆI
OPĆINSKOG VIJEĆA***

ZAPISNIČAR

Azra Pijadžer

Kenan Kamenjaš